

BA BOLELE GORE KE A BARATA

Bomotlhofo Jwa Boammaruri
Jwa Lerato La Modimo Mogo Wena

JOYCE MEYER

BA BOLELE GORE KE A BARATA

Bomothofo jwa Boammaruri ba lerato la

Modimo mogo wena

JOYCE
MEYER



JOYCE MEYER
MINISTRIES

Unless otherwise indicated, all Scripture quotations are taken from THE AMPLIFIED BIBLE: Old Testament. Copyright© 1962, 1964 by Zondervan Publishing House (used by permission); THE KING JAMES VERSION; and from THE AMPLIFIED NEW TESTAMENT Copyright © 1958 by the Lockman Foundation (used by permission).

Copyright © 2014 by Joyce Meyer Ministries – South Africa

All rights reserved. No part of this publication may be reproduced, distributed, or transmitted in any form or by any means, or stored in a database or retrieval system, without the prior written permission of Joyce Meyer Ministries – South Africa.

Joyce Meyer Ministries – South Africa
PO Box 5, Cape Town, 8000

Phone: +27 (0) 21 701 1056
Website: www.joycemeyer.org

Tell Them I Love Them – Setswana

Not For Resale

DITENG



<i>Ketapele</i>	5
1. Modimo o a go rata!	7
2. A go siama ga me go lekanetse?	13
3. Lerato ke botsalano	19
4. Lorato, tshepo, le tumelo	25
5. Kgololesego mo poifong	31
6. Lerato le a fitlhelela mo go ba bangwe	37
7. Lerato la Modimo le tlaa go fetola	42
Itemogele botshelo jo bosh	46

KETAPELE



Ke dumela gore se batho ba se tlhokang go feta sengwe le sengwe ke ya lerato la Modimo mo go bone ka bongwe ka bongwe. Ke gone go tlhaloganya gone mo, mo go re fang motheo o o tibileng, wa botsalano le ene mmogo le phenyo ya boammaruri jwa botshelo jwa Sekeresete. Ga re tlhoke “kitso ya tlhogo” ka lerato la Modimo, re tlhoka tshenolo ya la gagwe mo dipelong tsa rona. Moya o o boitshepo ke one fela o ka tsisang se, e bile o ka dira jalo fa re tlhatlhanya mo leratong la Modimo. Re lemoga lerato la Modimo mo mats Shelong a rona, re bo re batla tshenoloe o mo lefokong la Modimo e e kwadilweng, le ka thapelo.

Go amogela gore Modimo o rata lefatshe mo go lekanetseng ka go romela Morena Jesu go swela dibe tsa mongwe le mongwe go motlhofo thata.

Mme go dumela gore Modimo o go rata mo go kalo kalo gore O ka bo a rometse Morena Jesu go go swela o le nosi fa e ne e le wena fela mo lefatsheng go ka nna thata le go feta.

Morago ga go nna dingwaga tse dintsi ke le Mokeresete yo o nnang a utlwile botlhoko, kwa bofelong ke ne ka itemogelat shenolo ya lorato lwa Modimo mo go nna. Modimo ka mautlwelobotlhoko a gagwe o ne a ntshenolela, ka Moya o o Boitshepo lerato la gagwe mo go nna mo go ko godimo. Tshenolo eo e le nosi e fetotse botshelo jwa me jotlhe le botsalano jwa me le Ene.

Thapelo ya me ke gore, jaaka o bala buka e, o tle o senolelwe lorato lwa Modimo ka bo-wena. Ke go rotloetsa gore o e bale ka bonya, o e dirise jaaka kaelo ya go ka ithuta go le go ntsi ka lerato la Modimo mo Baebeleng, le go tllathanyamo ditemaneng le mo dikakanyong tsa ditsebe tsa buka tse di latelang.

Modimo o go rata thata! Gape O batla o itse o bo o itemogele lorato lwa gagwe letsatsi le letsati, mo karolong nngwe le nngwe ya botshelo jwa gago, fela jaaka a ntiretse. Jalo he, ke lo neela buka e ka boikobo, ke itse gore ga ke sepe kwa ntle ga Modimo, le gore tshenolo nngwe le nngwe le go tllaloganya lefoko la gagwe ke fela ka bo pelothlomogi jwa gagwe.

1



MODIMO O A GO RATA!

“Gonne Modimo o ratile lefatshe mo go kalokalo mme a ntsha Morwawe yo o tsetsweng a le esi, gore le fa ele mang yo o dumelang mo go ene a seka a nyelela, mme a bone botshelo jo bo sa feleng.”

– JOHANE 3:16

Modimo o batla lelwapa, e bile o batla go nna Rra’arona. Re tlhodilwe go nna le botsalano le ene le go nna barwa le barwadie, re tshela botshelo ka letlotlo, jo Morena Jesu a swetseng go re bo neela. Se se raya gore o batla gore re ikaege ka ene, re itshegetse ka ene, re mo rate, re bo re mo letlelele gore a re rate. O batla gore re mo tshephe re bo re fitlhelele ko go ene ga re na le se re se tlhokang. O batla go nna le botsalano jo bo tiileng le mongwe le mongwe wa rona.

Bontsi jwa rona re akanyetsa Johane 3:16 mo go akaretseng gotlhe. “Ee, ke a itse gore Morena Jesu o swetse lefatshe,” re bua jalo, mme “lefatshe” ga se fela’ diketekete tsa batho ba ba sa itsagaleng ba Morena Jesu a ba swetseng. O swetse mongwe le mongwe wa rona. O go swetse.

Nnete ke gore le, fa e ne e le wena fela mo lefatsheng, Morena Jesu o ka bo a swetse wena fela. O ne a ka itshokela pogo yotlhe ka lebaka la gago. Modimo o go rata thata tota, gape lerato la gawe ga se le le felang (lebelela Jeremia 31:3).

Letsatsi lengwe jaaka ke ne ke kgweetsa, Modimo o ne a bua le pelo ya me a re, “Joyce, o mma moratwa wame.” Mmaba o ne a tla ka ponyo ya leitlho a bo a re, “ija, a seo ga se boikgogomoso jo bo ko godimo? O ipolelela gore o mang wena?” Jalo he, ka ipolelela gore, ga ke a tshwanela gore ke bo ke akanya jalo.

Le fa re lemoga lemoga gore re kgethegile, le gore re na le dineo, ditalente le bokgoni, gantsi go ipelaela. Mme boammaruri ke gore mongwe le mongwe wa rona o na le bo nosi jwa gagwe, a bopilwe mo go kgethegileng keRara wa rona. Modimo o rata pharologano, o go tlhodile gore o farologane le ba bangwe, mo go rayang gore ga a batle gore o itshwantshanye le ba bangwe kgotsa o leke go nna jaaka ba bangwe. O kgethegile mo go ene jaaka a go dirile.

Jaaka fa ke ne ke akanya ka se Modimo a se buileng mo pelong yame ka nna le setshwantsho mo dikakanyong ka mosadi yo o emeng mo marekisetso fa go leng maungo a mantis teng. O ne a di lebelela, a di kanoka mme a tsaya e e lebegang e le ya maemo a ntlha mo go ene. Ke ne ka tlhaloganya gore molaetsa wa Modimo o raya gore nna ke “leungo la maemo a ntlha” mo go ene. Nna ke yo o kgethegileng. Seo ga se lebege sentle, mme bona, Modimo o lebelela mongwe le mongwe wa rona jalo. Ga se gore o raya gore o kgethegile botoka go feta batho ba bangwe e bile ba bangwe ga ba na molemo. A re rotlhe re kgethegile. Modimo o buile se mo lefokong la gagwe, gape lefoko la gagwe ke la mongwe le mongwe wa rona. O mma moratwa wa Modimo.

Ka nakoe, ke ne ke sa amogele mo go supa kgatlhego mo go se Modimo a neng a leka go se mpolelela gonne go ne go utlwala e le phoso go akanya dikakanyo tse di monate jaana ka ga nna. Mme e ne ya re morago ga malatsi a mabedi a a latelang, ka bula Baebele yame mo go (Dipesalema 17:8), mme ya bo e le foo e mpulan

matlho: “Mpaya ke le leungo la matlho a gago; mphitlha ka fa tlase ga moriti wa diphuka tsa gago.” Ke ne ka re, “Ruri, e ne ele Modimo tota. Ke leungo le le kgalhang Modimo.” E ne ya ntira gore ke ikutlwe ke kgethegile nako le nako fa ke akanya ka gone. A o itse gore o kgalha Modimo mo e leng gore o batla o ikutlwa o kgethegile, o na le boleng, o le montle, gape o ratwa?

Batho ba na le lenyora la go ratiwa mo dipelong tsa bone. Modimo o re dirile ka tsela e o. Batho ka bontsi ba dumela gore Modimo o rata lefatshe le gore O rata Morena Jesu, mme ba tshwaragane le bothata go dumela gore Modimo o rata bone ka sebele. Mme Lefoko le re ruta gore Modimo o re rata fela jaaka a rata Morena Jesu. Palo e mo go Johane 3:16 e re supegetsa se. Gape o batla go tshololela lorato lwa ditshegofatso tsa gagwe mo mats Shelong a rona fela jaaka a dirile mo go Morena Jesu Morena Jesu ka yone. Johane 5:20 ya re, “Rara o rata Morwa e le ruri e bile o mo senolela le go mo kaela tsotlhe tse ene a di dirang. O tla mo kaela gape dilo tse dikgolo go feta tse, gore lo gakgamale mo go golo thata.”

Modimo fa a re, “Ke dira dilo tse dikgolo tse ka Morena Jesu, le tse di fetang tseo ka Morena Jesu, gore lo makale” (go ya ka nna). Modimo o batla go re makatsa ka go dira tse dikgolo ka ntlha ya gore re itumele.

Re bala ditemana tse, mme gantsi ga re lemoge se se Modimo a batlang go se re direla le se a batlang go se dira ka rona. O batla gore re lebelele ditiro tse dikgolo tse a di dirileng ka Morena Jesu re bo re dumela gore o eletsa go dira tse dikgolo le go feta ka rona. Mo go Johane 14:12, Morena Jesu a re, “Fa mongwe a dumela mo go nna a sa fetoge, ene ka boene o tla kgona go dira dilo tse ke di dirang; gape o tla dira dilo tse dikgolo go feta tse, gonne ke ya ko go Rara.”

Modimo o direla batho dilo tse dintsi letsatsi le letsatsi ka gore o a ba rata, mme ga lemoge seo. Sekai, akanya ka se: letsatsi lengwe le lengwe fa letsatsi le tlhaba, le tlhabela nna le wena.

Dithunya di thunya ka mefuta ya tsone go re itumedisa. Lefatshe le Modimo a le re tlhodileng le lentle mo go feteletseng, ebile O batla gore re ipele mo go lone. Genesis wa ntlha a re Modimo o neetse motho taolo a bo a mmolelela gore a dirise ditsompelo tsa lone go direla Modimo le batho. Fa pula e tla mo pakeng ya yone, e nela wena. Fa kapoko e wa, e wela wena. Dikgato tsa gago di laolwa ke Modimo, gape o go lebeletse ka metlha.

(Deteronomi 7:9) ya re, “Itse, lemoga o bo o tlhaloganye jalo gore Morena Modimo wa gago, Ke Modimo, Modimo yo o tshepegileng, yo o bolokang kgolagano le lorato lo lo sa fetogeng le mautlwelo-botlhoko mo go ba ba mo ratang ba bo ba boloka ditaello tsa gagwe, go yeng ko dikokomaneng tse di sekete.”

Lorato lwa Modimo mo go rona le ka bosakhutleng gape ga le na seelo. Bontsi jwa rona re akanya gore re setse re mo lapisitse ka go palelwa ga rona le diphoso, mme ga re kake ra dira jalo. Go sa kgathalesenge gore o dira eng, ga o kake wa dira gore Modimo a emise go go rata. Lorato ga se selo se Modimo a se dirang; ke se a leng sone.

Fa o akanya gore o motho mongwe yo o ntseng a le maswe thata go ka ratiwa ke Modimo, o fositse thata. Ga gona lehuti le le boteng thata le Modimo a ka sekeng a goroge mo go lone a bo a go tsholeletse ko ntle. O na le lenaneo ka ga tsosologo ya gago. Ga a go itshwarele dibe fela fa o mo kopa mo go tseneletseng, mme oa di lebala a bo a di tlosetsa kgakala fela jaaka botlhabatsatsi bo ntse mo go bophirima (lebelela Dipesalema 103:10-12).

O ka nna wa re, “Ke amogetse Morena Jesu mo pelong yame, e bile ke a mo rata.” Mme ke a go botsa, o dumela go le kae gore Modimo O a go rata?

Lerato le le nnetseng ruri la Modimo le le senang kgethololo, ke molaetsa o o motlhofotlhofo ebile ke motheo wa tsotlhe. Ke molaetsa o o tshwanelwang ke go nna mo botshelong jwa gago gore o tlhaloganye tse tshotlhe. Ke dumela fa e le tshimologo ya pholo mo matshelong a rona. Go sa kgathalasege go le kae gore o ithuta go le kae go batlisisa ka Modimo, fa o sa amogela lebaka la gore oa go rata ka kgololesego le ka matlhogonolo, ga o kitla o gatela pele mo go tsamayeng le Ene. Re amogela go tswa mo Modimong ka tumelo, mme le yone tumelo e bereka ka lorato. (Bagalatia 5:6) Ga e se fela re ka amogela lorato lwa Modimo, gare kake ra amogela sepegape.

Lorato lwa Modimo le re kgontsha go tshela re sena poifo (1 John 4:18). Se se botlhokwa gore re itumele mo botshelong mme re diragatse maikaelelo a rona. A o tla gololesega go amogela lerato la Modimo? Ga le rekisiwe; O ka se le reke ka go dira ditiro tse dintle!; Wena dira se fela!: le amogele, o le amogele obe ole amogele lerato la Modimo.

2



A GO SIAMA GA ME GO LEKANETSE?

“Mme tsholofelo ga e tlhabase ditlhong; gonne lorato lwa Modimo lo thelegetse mo pelong tsa rona ka Mowa o o Boitshepo o re o neilweng.

Gonne e rile re sa ntse re le bokoa, Keresete a swela baikepi mo lobakeng lo e leng lone. Gonne go a belaesega gore a jaana motho mongwe o ka swela mosiami; mme motlha ope, fa e le motho yo o molemo, mongwe o ka ipatelela go mo swela. Modimo one, o re tlhomamiseditse lorato lwa one, ka e rile re sa ntse re le baleofi, Keresete a re swela. Fa e le foo, bogolo thata re tlaa gololwa mo bogaleng jwa Modimo ka ene, ka jaana re siamisitswe ka madi a gagwe. Gonne fa e rile re sa ntse re le baba ra letlanngwa le Modimo ka loso lwa Morwa wa one, bogolo thata re tlaa bolokwa ka botshelo jwa gagwe, ka re setse re letlantswe.”

- BAROMA 5:5-10

Go motlhofo go dumela fa Modimo a re rata fela fa re sena selabe sepe mo botshelong. bothata le se, ke gore re le bantsi ga re ithate, mme ka jalo re utlwalega e kare le ene Modimo ga a re rate. Mme Baebele e a tlhalosa ya re: “kana motho e be e le eng, fa e bo o mo gopola, le morwa motho, fa e bo o mo lekola?” (Dipesalema 8:4) Re dibopiwa tsa Modimo Go e tlhofofatsa, re ka re: O a re rata ka gonne a re rata. O lorato (Johane 4:16) Modimo oa re rata ka gonne a batla jalo!

O a go rata, o botlhokwa! Se se raya gore o kgethegile e bile o motlotlo. Ga oa tshwanelwa ke go nna jaaka nna, le nna fela jalo ga ke a tshwanelwa ke go nna jaaka wena. O tla tlhoka boitumelo mo botshelong ga o ka itshwantshanya le ba bangwe, o gaisanya le bone. Se se dira gore o neele mmaba sebaka sa gore a go bolele ka moo sa lekanang ka teng. Boamaruri ke gore, go ya ka Modimo, ga o tlhoke go “siana gope.” Morena Jesu o ile a dira se mo boemong jwa gago. O dueletse maleo a gago, mme ka jalo a tsaya maikarabelo a a neng a go lebanye.

Baebale e re ruta fa a go ratile go le kalo go ka go swela; A se ga se supe fa a go rata? (Baroma 5:8-9). E le ruri oa go rata go ka babalela dithoto tsa gago letsatsi le tsatsi mme a go tshole o le phepha mo diphosong tsa gago...

Se ke sekai se se supang gore Modimo o lebelela diphoso tsa rona jang. Akanya fela ka ngwana yo o dingwaga di ka nnang tharo kana nne, yo ka nako yotlhe a nnang a lebeletse maagwe jaaka fa a dira tiro ya mo lapeng. O rata mmagwe thata ka jalo o tsaya kgamelo le tsela tsa gagwe tse di mo lekanyeng o tsamaele kwa letlhabaphefong le le fa pele ga ntlo a tlhatswa letlhabaphefo le fa e se ka botswerere, a batle dipampiri tse di sutlhang mme a sutlhe letlhabophefo le.

Ee, letlhabaphefo le tla sala le le merotodi le kgaletse molora mme e bile ngwana a dirisitse letsela la ga mmaagwe le le kgethegileng. Ke fa go le jalo o tsena mo ntlung ka lentswe la gagwe le le nyenyane are: “mme ke tlhatswitse letlhabaphefo la gago, ke dirile tiro e ntle thata. Ke a go rata mme.” Mme yo ka lerato a fetola ka gore, “Seo ke tiro e e kgatlhisang e o e dirileng ngwanaka, ke lebogela thuso ya gago.” Mme fela e re jaaka ngwana a tloga foo, mmaagwe a tsamaye a phepafatse tlhakatlhakano e. Morago ga sebakanyana a bolelele ngwana gore mo nakong e e tlang a kope

thuso fa a batla go dira tiro e ntle thata ka jalo a tle a ithute go e dira ka tsela e e siameng.

Se ke se Modimo o se re direlang. O na le go ka dira tsotlhe gore di re berekele sentle fa re mo rata e bile a re bileditse go ya ka fa keletsong ya gagwe Baroma 8:28). Fa o dira bojotlhe jo o bo kgonang, seo ke se.

Modimo a se solofelang mo go wena, O ka go thusa mme a go tsewedise fa o batla thuso ya gagwe. O tla a go fetolela mo tshwanong ya gagwe ya kgalalelo (2 Bakorinta 3:18).

“Gonne yo Modimo o mo romileng o bua mafoko a Modimo; gonne ga o abe Mowa ka selekanyo. Rara o rata Morwa, mme o tsentse dilo tsotlhe mo seatleng sa gagwe.” (John 3:34-35).

Letsatsi lengwe ke ntse ke ithuta temana e ke ne ka lela ka boitumelo fa ke lemoga gore Modimo ga a re fe mowa wa gagwe ka go lekanya. Ga a re fe ka bonyenyane. O humile mme e bile o dirile go utlwala le go feta gotlhe mo o ka go kopang kana wa go akanya (Baefeso 3:20).

“Gonne o tšhaba e e itshephetseng Jehofa Modimo wa gago; Jehofa Modimo wa gago o go itshenketse gore o nne tšhaba ya gagwe e e tlhaolegileng, go feta ditšhaba tsotlhe tse di mo lefatsheng. Jehofa ga a ka a tlhoma lorato lwa gagwe mo go lona, le fa e le go lo itshenkela, ka gore lo ne lo feta ditšhaba tsotlhe ka bontsi; gonne lo ne lo le babotlana mo ditšhabeng tsotlhe fela” (Ditoronomi 7:6-7).

E ke ntlha e e kgatlhisang e le ruri. Modimo a re, “ke tlhomame ka lorato mo go wena. Ke go itsisitse fa o le molemo, o kgethegile; mme ka ntlha ya lorato le ke nang le lone mo go wena.” A o a itse se Modimo a batlang o se dira gompieno? O batla o ka amogela lerato le. Emisa go bolelela Modimo ka se se phoso mo go wena, ga o phoso epe mo go Ene. O itse tsotlhe ka ga wena le tsotlhe

diphosego tse o di dirileng, O sale a itse diphoso tsa gago fa a ne a go biletsa mo go ene.

Bothata jo bontsi jwa rona re nang le jone ke gore ga re ithate. Mme ka ntlha ya se, re dumela gore Modimo ga a re rate le gore ga go ope yo o re ratang. Ka jalo re akanya gore batho ba ka re rata jang? Ke tlhakatlhakanye. Ga o dumela gore o motho yo o sa siamang o tla itsaya fela jalo jaaka fa o akanya kana o dumela. Boammaruri ke gore ga o kake wa itshola kwa ntle ga se o se dumelang mo pelong ya gago. Ke ntshitse bothata jwa go sa ithate. Ke ne ke senya nako e ntsi ke leka go iphetola go nna se ke neng ke akanya gore ke ka nna sone. Sekai; ke ne ke akanya gore ke bua thata ka jalo ke leke go didimala. Ga ke didimetse jalo ke ne ke sa itumele, ke kgobega marapo Mongwe le mongwe yo o nkitseng o ne a gakgamalela phetogo e, ba batla go itse gore ke eng ke didimetse jalo. Ke re ke iphitlhela ke akanya go ba araba ke re le mpoleletse fa ke na le legano le letona, ka jalo ke leka gore ke seka ka bua thata. Mme e bile ntlogeleng ke ntse fela jalo.

Ke ne ka tshela jalo dingwaga tse di ntsi ka seemo se, ke ntse ke tsena mo dikgotlhannyeng ka ntlha ya se ka ke ne ke leka go nna se ke seng sone. Mmaba o ne a ntse a le pudi matseba go mpolelela ka fa ke leng motho yo o maswe ka gonne ene a tshela ka go re kgobotletsa, a re nyenyefatsa. Se se mpaya mo seemong sa go tlhaloganya gore go dumela fela mo loratong le Modimo a nthatang ka lone ke kgwetlho e kgolo.

Modimo o batla gore o seka wa inyatsa wa ba wa ikgobotletsa, mme o tlhoka tumelo le bopeloethata go ka gololesega mo go se. A o a itse gore ga gona selekanyo sepe sa go ikgobotletsa se se ka duelang molato o o k abong o o dirile? Ke ipoeletsa ka gore go dumela mo leratong le Modimo a nthatang ka lone le fa ke dirile phoso e tota e le kgwetlho e kgolo.

Jaanong mmaba o ka leka go go kgobotletsa ka dikakanyo tsa gore o motho yo o bosula. “O a bo o e dirile gape phoso,” o ka bua jalo. “Kante o akanya gore o mang wena. Modimo ga a kitla a go segofatsa. O ka bo o dirile botoka. Ga o kake wa bolelela ope ka Morena Jesu jaanong. Modimo ga a kake a go dirisa ka gope. E bile ga a kitla a araba dithapelo tsa gago. Ga gona sepe se o tla a se dirang sentle.”

Ke ka nako e o tlhokang go nna le tumelo, o eme ka dinao o re, “Rara ke go leofetse ke kopa o intshwarele, tota ke a ikoba, ke itshola ka se ke se dirileng.” Go botlhokwa go ka ikarabela mmaba. Mo gakolole fa Morena Jesu a dueletse dibe tsa gago, wa itshwarelwa wa ba wa gololesega mo sebeng le gone go kgobotlediwa. Maatla a lefoko la Modimo a bereka mo botshelong jwa gago, a aga tumelo ya gago le go baya tshepo ya gago mo Modimong. O tla itumelela go tshela le go nna tshegofatso mo go ba bangwe.

O ka ipotsa gore ke eng ka nako tsotlhe ke ntse ke dira diphoso jaana. Ke kile ka ne ke akanya jalo le nna go fitlhelela ke emisa go ikobonya. Fa o tsaya tshwetso ya go emisa go ikobonya ka diphoso tse ke di dirileng go tla go thusa go emisa se.

Go ikobonya le go inyatsa go ka go imela, wa itlhoboga go fitlhelela kgololesego. Se se go dira gore o koafale le gore o tshelele mo sebeng. Ke ka moo o tshwanelwang ke go itshepa ka go amogela mpho ya Modimo ya boitshwarelo le go ka fenywa boitlhobogo. O tshwanelwa ke go itlhophelela go tshela ka tumelo mo Modimong, le a se buang ka lefoko la gagwe mme o gane go nna ka letsvalo. Mmaba o tla tsewelela ka go go tlhorontsha a re, “A ga o kake wa itsholela se? Ka go reng? o a tshwanelwa ke go swab!” Gone fela foo, rapelela thuso go tswa kwa Modimong, mo kope gore a go fe kgomotso ya gore o ntshe maikuto a, mme o tsewelele pele. Fa o simolola go dira se go tla nna thata, mme go tlaa tokafala le nako.

Mo go Isaiah wa masome a matlhano le boraro (Isaia 53) re bolelelwa gore e rile fa Morena Jesu a rwala mokgweleo wa dibe tsa rona, o ne a tsaya le yone kgobotletso. Mmaba ga a batle o ka gololesega. ka go reng? Gonne ga o hutsegile ga go motlhofo o ka amogela lorato lwa Modimo ka jalo o seke o bone kgalalelo le boleng jwa gagwe. O ntsha ponelopele ya gago mo Modimong, a dire gore o ikobonye le go ikgobotletsa.

O ka tshela o gololesegile fa o dumela Modimo fa a ne a re kgomotso ya gagwe ke go go ntsha le go go golola mo sebeng: O ne a tiisitse, o a go rata mme ka tshegofatso le maitshwarelo o go file mpho e e nnetseng ruri. Amogela tse gompieno.

3



LERATO KE BOTSALANO

“Re a itse (ka go tlhaloganya go lemoga le go nna pudi matseba ka go lebelela le go itemogela), ebile re a dumela (re itlamile go tshepha le go ikanya tumelo) lorato lwa Modimo (a le re file go re itumedisa). Modimo o lorato, mme yo o n nang a tsweledisa mo loratong lo, o a nna le gone go tswelela mo Modimong, ka jalo Modimo o nna a bo a tswelele mo go ene.”

- 1 JOHN 4:16

Jaaka temana e, e tlhalosa Modimo O lerato e bile o eletsa fa re ka lemoga ra nna pudi matseba ka lerato le la gagwe. Ka jalo o ka nna pudi matseba, wa itemogela jang lerato la Modimo. Go sa kgathalasege gore Modimo o go rata go le kae, fa wena o sena boitemogelo ka seo, ga gona molemo ope mo go wena. Akanya fela gore go itumedisa jang fa mongwe a go supegetsa lerato le le ntsi. O a itse fa o ratwa, e bilego dira gore o itshepe, gape go go fa kgotsofalo. Modimo o a go rata, mme ebile o batla go go kaetsa lerato le. O re laletsa go nna le botsalano jo bo boteng, jo bo kitlanyeng le ene. O batla re mo laletsa go tlhakanela le rona se sengwe le se sengwe se re se dirang. O batla ka nako tsotlhe re buisanya le ene jaaka re ka dira le tsala e molemo. A o na le botsalano jwa nnete le Modimo. Fa re tsalwa sesha, ga go reye gore re nna le botsalano le puisanyo le Modimo. Re tshwanelwa ke go bopa botsalano jo le Modimo fela jaaka re ka dira le motho yo mongwe. Ke nnile modumedi dingwaga tse dintsi pele ga ke tsaya

botsalano jwa me le Modimo ka tloafalo. Ke ne ke ya kerekeng ka Tshipi (Sontaga) ke dira boithaopo gone mo kerekeng, mme Modimo o ne a se motheo kana modi wa botshelo jwa me. Ke ne ke utlwalega ke le motlhofo ke sa tlala. Jaanong selo sa nthata se ke se akanyang phakela pele ga ke tsoga ke Modimo, ebile ke ene wa bofelong o ke akanyang ka ene pele ke robala. Re tswelela jalo ka botsalano le puisanyo letsatsi lotlhe, e bile ga gona sepe se ke batlang go se dira go gaisa go direla le go itumedisa Modimo wa me. Mo go yo mongwe le yo mongwe wa rona go na le phatlha e e re bopang e bopegile jaaka Modimo, e bile ele ene fela yo o ka e tlatsang. Ga go sepe se o ka se latelang kana wa se eletsatsi se se ka tlatsang phatlha e. Ke go gwetlha gore o ipotse. Ke tlhwaafetse go le kae ka botsalano jwa me le Modimo. A ke ka mmaya ene le thato ya gagwe pele ga dilo tsoatlhe.

A ke ka bua jaaka Paulose a dirile mogo Ditiro 17:28: “Mo go ene re a tshela, re a tsamaya e bile re nang le boleng.”

Modimo o a go rata e bile o kgethegile mo go ene. O go bopile gore o nne le botsalano le ene. Seo ke keletso ya gagwe ya nnete ka botshelo jwa gago. O go sebeta mo pelong ya gago tsatsi le letsatsi. “Moso o montle, ke a go rata.” Fa o ise o utlwe se, simolola go reetsa, mme o dumele. Tsala nngwe ya me o ne a mo tshwantsha, a tsena mo malapeng a batho mo Amerika fa ba tsoga mo mosong. O ne a dira jalo go tsalana le go bua le bone. A itseela setilo, a nna fa fatshe. Ba ne ba tsoga ba tla mme ba tsamae, Ba ne ba mmolelela gore “ba tla mmona kgantele, nna fela foo ka sebakanyana Modimo, fa ke fetsa se ke se dirang ke tla bua le wena”. Ke tla tlotla le wena kgantele tlhe Modimo wa me. Phirimane ya tla, mme Modimo a emelela mo malapeng a bone a sa itumela ka go nne go se ope yo o buileng le ene ka tsatsi leo. Mongwe le mongwe o ne a tshwerwe ke tse dingwe tse di botlhokwa, a sena nako le Modimo.

O seka waiphithlhelana o sena nako ya Modimo. Fa o sena nako ya go rapela kana go nna le Modimo go ka raya gore o tshwerwe ke tse dingwe di sele. Tsaya nako ya gago o bolelele Modimo mo ratang ka teng. Tse tsothe di a feta, mme e bile go tla sala go sena sepe fa ese Modimo. Go ntse fela jalo. A ga o ise o nne le botsalano le Modimo? Go tla nna thari gore o simolole. Rre motsadi wa me o ile a re tlogela mme ke motlotlo go lo itsise fa a ne a amogetse Morena Jesu jaaka mogolodi wa gagwe ngwaga tse tharo pele ga a swa. Lefa ntswa a ile legodimong ga a ka a tshela ka boitumelo jwa katlego jwa go tshelela Modimo. O ne a itshelela. Se iphitlhelana o le kwa bofelong jwa botshelo jwa gago mme o na le boikotlhao ka go nne o bo o sentse ka go dira tse di senang mosola. Nako ke mpho ya botlhokwa e e tswang mo Modimong ka jalo re tshwanelwa ke go nna kelotlhoko gore re e dirisa jang. Bona, fa o e dirisitse ga o ka ke wa e bona, ga e kake ya go boela gape. Go nna le nako ya Modimo go na le maduo a a itumedisang, tse dingwe di go fa fela boitumelo jwa nakwana.

Ke ka go gakolola go tsaya tshwetso go dirisa nako ya gago mo ngwageng e, go itebaganya le lerato la Modimo go ithuta ditemana tsa lerato, gore o kgone go itse go ka amogela lorato lwa gagwe. Lerato lwa Modimo le tsa boleng, kagiso, boitumelo le one maatlametlo a botshelo. Modimo o eletsa re ka iketla, le go itumelela go nna bana ba gagwe. Ithute ditemana tse di buang ka ga gore Modimo ke mang mme o nne le go mo itse botoka.

Johane wa ntlha kgaolo ya bone temana ya lesome le borataro, e balega jaana, “Re a itse (ka go tlhaloganya, go lemoga le go nna podi matseba ka go lebelela le go itemogela), e bile re a dumela (re itlamile go tshepha le go ikanya tumelo), ka lorato le Modimo o re le fang.”

O ka iphitlhelana o sa ratege fa o tsoga maphakela, kgotsa o sena maatla, mme wa lemoga fa e tla nna letsatsi le le senang

boitumelo le boikhutso. Dikgang tse di monate ke tse, o ka fetola tebo ya gago ka go bua mafoko a kgothatso le a tumelo. Buela kwa godimo; Modimo o a nthata fela thata. Ke mma moratwa wa gagwe, mme ebile o na le thulaganyo ya nnete ka game. Fa o bua ka Modimo le lefoko la gagwe, e seng ka mathata a gago le ka mo o utlwalegang ka teng o ka fetola letsatsi la gago. Buisanya le wena ka nosi, mme o itemogele diatla tsa Modimo (Isaiah 49:16). Ke a mmona a le kwa godimo, ga a re leba, bona seo, go gontle jang ke a ba rata thata. Leba bana bame, fela ka mo gare ga diatla tsa me. O go beile foo jaaka sesupo sa gore o a go rata e bile o eletsa go buisanya le wena.

Gakologelwa go isa ditebogo kwa Modimong, mme o godise botsalano jwa kgothatso le ene ka nako tsotlhe. Nako e nngwe o ka batla go emisa tse tsotlhe tse o di dirang mme o tseye nako go leboga Modimo ka go nne o mo itse le go mmolelela ka mo a leng maatla ka teng. Ikhutse, o rate Modimo, Johane wa ntlha, kgaolo ya bone, temana ya lesome le borataro go ya go ya lesome le bosupa (1 John 4:16-17) “Modimo o lorato, yo o tshelang a tswelala mo loratong le mo go ene, Modimo jalo o a tshela a bo a tswelale ka go nna mo go ene. Mo kgothatso e le ene, lorato le a tiisiwa le go nna bokao mo go rona, gore re nne le kgothatsego e e maatlametlo a go fitlhelela letsatsi la bofelo / la katlholo.”

Go itse fa Modimo a go rata go go fa kgothatso mo go ene le tshepo mo tumelong. Masego a Modimo a nang le one ka ga wena a ka tla fela fa o letleletse Modimo go go rata, tumelo e e tseneletseng, phenyo mo sebeng, kagiso mo pelong, pholo, botshelo jwa letlotlo le boitumelo. Tse tsotlhe di ka diragala fela fa o file Modimo tetla ya go go rata. Bontsi jwa nako re fetola se, mme re akanye gore re tla rata Modimo. Ke dumela gore lantlha o tshwanetse go letlelela Modimo gore a go rate. Ke dumela gape gore ga o kake wa bontsha lorato lwa gago mo Modimong kwa ntle ga o

mo letleletse gore a go rate. Baebele ya re, re mo rata ka go nne a re ratile pele (1 John 4:19).

Ga re itse gore Modimo o a re rata re be re amogela lorato lwa gagwe, re ka mo rata fela jalo. Re ka golagana le ene. O ka ipotsa gore, o golagana jang le Modimo. E rile ga a ntaletsa go tsena mo kgolaganong le ene, ke ile ka nna fatshe, mo setilong, ka mmotsa ka fa o “jaanong ke eng Modimo. Se ke boammaruri. Ke ne ke sa itse gore ke golagana jaana le ene, ka nako eo ka gone ke ne ke sa itse ka mo a nthatang ka teng, ke ne ke sa tlhaloganye gore o batla go nna tsala yame le motlamedi wame. Jaaka fa ke tshela nako ya botshelo jame le ene ke rapela, ke bala lefoko la gagwe nako tse dingwe ke nna ka tidimalo le thitibalo mo tlase ga gagwe, ka simolola go ka itumelela kgolagano ya me le ene.”

“Ke ka go rotloetsa gore o tseye kgato o simolole jaanong. Neela Modimo sebaka, o tla go ruta go ka golagana le ene. Ga ke na ke go fa ape maano a go ka golagana le Modimo. Ga go na epe tsela ya ditemana ya ntlha, ya bobedi, ya boraro go ya fela jalo. Letlelela moya o boitshepho o go kaele. Modimo o rata fa o ka nna ka phuthologo le ene le jalo go ya ka Baefoso wa boraro, temana ya lesome le bosupa, pelo ya gago ke legae la ga Keresete.” (Baefeso 3:17).

4



LORATO, TSHEPO LE TUMELO

“Gonne mo go Keresete Jesu bogwera ga bo thuse sepe, le fa e le bokgola, fa e se tumelo fela e e dirang ka lorato.”

– BAGALATIA 5:6.

Go le gantsi re tsaya nako re leka go ka nna le tumelo. Re a itse gore kwa ntle le tumelo ga re kake ra itumedisa Modimo (Bahebera 11:6) ka jalo re iphitlhela re bereka ka thata ya senama go ka nna le tumelo. Ke ka go ruta maikemisetso a tumelo ka ba ka go dira gore o tshwarwe ke tlala ya yone gore o dire sengwe le sengwe go e bona. Tumelo ke letsogo le le batlang, mme le amogele go tswa mo Modimong. Re tshwanelwa ke go emisa go dira ka thata go batla tumelo le go itumedisa Modimo mme re simolole go dirisa nako ya rona le maatla a go nna le Modimo, re mo rate mme re amogele lorato lwa gagwe.

Bakorinta wa bobedikgaolo ya botlhano temana ya bosupa ya re (2 Bakorinthe 5:7) “Go nne re tsamaya ka tumelo (re laola matshelo a rona le boitshoko ja rona ka tumelo re tlotla botsalano jwa rona le Modimo le dilo tse di kgethegileng, ka tshepo le bomolemo, re a tsamaya) e seng ka pono kana tebego.”

Fa ke bala temana e nako nngwe ke ne ka utlwa Modimo a bua le nna ka tse di mo pelong ya me. O supile gore ga se go batla kana go leka go tsamaya ka tumelo mo go berekang. Temana e e thalosa gore ke ka nna le bokgoni jwa go tsamaya ka tumelo fa ke

dumela ka botsalano jwa me le Modimo. Ema o akanye ka se. Ipotse gore o ikutlwa jang ka botsalano jwa gago le Modimo. Yo o dumelang gore ga a na tshwanelo fa pele ga sefatlhego sa Modimo ga a kake a tsamaya ka tumelo. Re siamisitswe fa pele ga Modimo ka setlhabelo sa ga Jesu Keresete (2 Bakorinta 5:21). Tshiamo ya rona ga e a ikaega ka se re se dirileng kana se re tla se dirang, mme e ikaegile ka se Jesu Keresete a re se diretseng. Yo o dumelang gore ke setlhobogwa le gore Modimo ga a mo rate ga a kake a tsamaya mo tumelong kana a nna le tumelo.

Bagalatia wa botlhano temana ya borataro (Bagalatia 5:6) ya re tumelo e bereka ka lorato. Bontsi bo dumela gore temana e e raya gore fa o ka rata batho ba bangwe ka jalo tumelo ya bone e ka ba berekela mme ba amogele tse ba di batlang go tswa mo Modimong. Le fa Modimo a batla re tsamaya ka lorato, go thata go dirafatsa se. Ga re ise re mo letlelele gore a re rate pele. Go motlhofo: ga re kake ra neelana ka sepe se re senang sone. Ke lekile ka dingwaga tse dintsi go tsamaya ka fa leratong le batho ka ne ke itse e le se Modimo a se laotseng, ke ne ke sa atlege kgapetsa-kgapetsa go fitlhelela ke amogela lorato lwa mmaanete go tswa mo Modimong. Ke ne ka utlwa ke le botoka fela thata mme ka similola go kgona go neelana ka lorato lwa nnete. Fa Modimo a go rata o tla nna le tshiamelo ya go ka amogela go tswa mo go ene le go bona tse o di tlhokang tsa gago di diragala, lebaka le le dirang gore re seka ra amogela tse di re tshwanetseng ke ka go nne re sa dumele ka botlalo gore Modimo o a re rata e bile o batla go re fa tsere di tlhokang le masego a rona. “O kare, ke batla go dumela seo, mme ke dira jang.” O na le lorato la Modimo mo go wena, se o se tlhokang go se go dira, ke go simolola go lemoga seo fa Modimo a se go supegetsa. Baebele e bua jalo e re, “Re morata ka go nne a re ratile pele” (1 Johane 4:19). Go ka nna thata go rata Modimo fa o sena tshepo ya gore o go ratile pele.

Lerato la Modimo le mo pelong ya gago mo boteng jwa gago. O ka itse se fa o simolola go ipona jaaka fa Modimo a go

bona. A re o sekgantshwane, o montle o na le dineo mme ebile o bothlokwa fela thata mo go ene. Modimo o a go rata. Ga go ope mo lefatsheng yo o ka go ratang go feta ka fa Modimo a go ratang ka teng. Ga o ntse o tlhatlhanya ka lorato lwa Modimo go tla nna fela jalo gore o letlelele tumelo ya gago le go tshela botshelo jo Modimo a go bo batletseng.

Ga o tlhoke ope fa e se Modimo mme o tla tlisa batho ba bangwe mo botshelong jwa gago. Boammaaruri ke gore fa go ka bo go sena ope gape kwa ntle ga gago le Modimo, o tla bo o siame. Modimo o ka nna tsala ya boammaruri. O ka nna molekane wa gago fa o sena ene. A nna mmago le rrago ba o ka tswang o sena bone. O sengwe le sengwe se o se tlhokang. Se dire phoso ka go kopa Modimo go go direla sepe, mo kope gore a ipontshe mo botshelong jwa gago. Mo kope gore a itsise mo go wena ka bo ene. (Baefeso 3:16-17).

Modimo o a go rata e bile o eletsa go go fa tse o di tlhokang le tsotlhe tse o di eletsang tsa pelo ya gago. Ga o ikgantsha ka ene o tla go naya tseo tsotlhe ka tsela ya gagwe, a le mo nakong ya gagwe (Pesalema 37:4). Modimo o boleletse Aborehame gore o tla mo tshegofatsa a bo a mo dire gore a nne tshegofatso mo go ba bangwe. Seo ke se Modimo, a batlang go se go direla mme o batla gore o dumele seo. Letlelela tumelo ya gago e dumele mo ditsholofetsong tse a di go diretseng ka gonne e le tsa gago.

Tumelo Kgatlhanong le Ditoro tsa Senama

Baefeso wa bobedi, temana ya borobabobedi (Baefeso 2:8) ya re *“Gonne lo ntse lo bolokilwe ka tshegofatso ka tumelo; mme le gone go bile go sa tswa mo go lona; ke neo ya Modimo.”* Ba bangwe ba rona e ne e le baleofi ba lefifi fa Morena Jesu Keresete a ne a re rekolola, e bile mpho ya gagwe ya kgololesego e ne e sa abiwe ka

ntlha ya molemo wa ditiro tsa rona kana bokgoni jwa go dira se se tshwanetseng. E ne e le ka ntlha ya selo sele sengwe fela, Modimo o re ratile go le kalo ka jalo a ntsha morwawe yoo esi a re mo neela gore yoo dumelang mo go ene a seka a nyelela mme a nne le botshelo jo bo sa feleng (Johane 3:16) kgalalelo ya Modimo le Keletso ya Modimo go ka dirisa maatla a gagwe mo botshelong jwa gago go ka go neela tse o di tlhokang. Jaaka Modimo wa kgalalelo, a go file tumelo e e lekanyeng gore o bolokwe, fela jalo ke ka lorato lwa gagwe a go fileng tumelo gore o dumele gore o tla go fa tsothle tse o di tlhokang le tse o di batlang. O ka eletsa go re ba o ba ratang ba amogele Keresete, mme boammaruri ke gore ga o kake wa dira ope gore a rate Modimo. O ka rapela wa ba wa kopa Modimo go bereka mo dipelong tsa bone, mme ga o kake wa dira jalo ka ditiro tsa gago ka nosi.

Ditiro tsa senama kana tse o re di dirang ka maatla a gago di nna ka metlha di sa re kgotsofatse ka go nne re leka go dira se se ka dirwang ke Modimo a le esi. Go le gantsi re a dira mme ga re ntshe maduo ape a a molemo. Re tlhoka go ikoba fa pele ga Modimo mme re kope thuso ya gagwe. Baebele mo go Petoro wa ntlha kgaolo ya botlhano temana ya botlhano (1 Petere 5:5b) “Ee, lotlhe lo itlame ka boikokobetso, go tla lo direlana, gonne ya re Modimo o tlabana le ba ba ikgogomosang, mme ba ba ikokobetsang o ba neye tshogofatso.” Bo molemo jwa Modimo bo botlhokwa mo matselong a rona. Re golotswe ka jone ka tumelo, ka jalo tsela eo e re golotsweng ka yone ke yone e re tshwanelwang go ka tshela ka yone, ke yone e ke tshwanelwang go ka tshela ka yone ka tsatsi le letsatsi ka tshogofatso ya Modimo le ka tumelo. Ga o na le motheo wa lorato lwa Modimo mo botshelong jwa gago, o ka simolola go mo tshapa. O ka tsamaya ka tumelo eseng ka pono. O tla itse gore Modimo o a ikanyega ka go neela ditsholofetso tse a di go diretseng.

Go ya ka Baebele “tumelo ke go ikanya ka ga dilo tse di solofelwang, ke tlhomamiso ka ga dilo tse di sa bonweng” (Baheberere 11:1). Jaaka fa o letlelela Modimo go go rata o tla kgona go dira tseo tsothle. Ga botsalano jwa gago le Modimo bo gola tumelo ya gago le yone fela jalo e a gola. O tla bona Modimo a dira tse di gakgamatsang mo go wena le ka wena a di direla wena mme seo o se simolola fa o na le tshenolo ka lorato lwa gagwe. Modimo o a go rata se belaele se.

5



KGOLOLESEGO MO POIFONG

“Ga gona poifo mo loratong (le letshogo ga leyo) mme lorato le le godileng (le tletse, le nepafetse) le kobela letshogo kwa ntle ga mabati/ditswalo mme le ntshe le yone poifo gotlhelele. Poifo e tsisa kotlhao mme ka jalo yoo nang le poifo kana letshogo ga a ise a gole ka lorato mo go nnetse ruri/feletseng”

- 1 JOHANE 4:18

Re ka goroga golo gongwe fa re ka dirg sentle ka tumelo, re tshepa Modimo mme re na le netefatso ya gore o a re rata. Ya re go ntse gontse jalo mmaba a romela a gagwe matlhale go re tlhasela. Mabaka mangwe a matshelo a rona – tse tsotlhe tse di maswe tse di re diragalelang – di ka tsosolosa kgotsa tsa leka tumelo ya rona. Batho bangwe ga bana ape mathata mo go dumeleng mo Modimong. E ke yone nako e mmaba a tlang ka yone poifo le go nyatsa go go kgaoganya le sone se se ka go thusang ebong lerato la Modimo. Mmaba o tla go raya a re “ke ne ke ithaya kere Modimo o a go rata. Ke eng fa jaanong o diragalelwa ke dilo tse di maswe. O tshwanetse o abo o dirile sengwe se se tlhabisang ditlhong. Modimo wa gago o go galefetse thata.”

Go nna motlhofo ka nako tsa diteko, nako tse di lebegang di le thata go ka latlhelgelwa ke boitshepo mo Modimong. Modimo ga a dire dilo jaaka fa re batla kana re akanya gore o ka di dira. O na le lenaneo le legato go gaisa rona. O batla re ka fetoga fela jaaka a batla go fetola diemo tsa botshelo jwa rona. Go le gantsi o dirisa

ditsela tse di boima tse di botlhoko go aga tumelo ya rona mo go ene le go rata go tshepa ene a le esi. Mo dinakong tse di thata tse, re ka nna le gone go sa tlhologanyeng se se diragalang mme ra raelesega go wela mo botshwarong jwa mmaba re akanya fa Modimo a sa re rate. Ke ka nako e re tshwanelwang ke go gakologelwa Baroma kgaolo ya borobabobedi temana ya masome a mararo le botlhano go ya ko go ya masome a mararo le boferabongwe (Baroma 8:35-39) e e reng: “ga go sepe se se ka re kgaoganyang le lorato lwa Modimo mme e bile re bafenyi ba mma tota mo go Morena Jesu Keresete.” Se se botlhokwa se re ka se dirang mo dinakong tsa mathata ke go buela kwa godimo re re “Modimo, ke a itse gore o a nthata, mme ebile ke a dumela fa tse tsotlhe e le tse di tla itumedisang kwa pheletsong.”

Ka nako tse dingwe Modimo o a leta go re ntsha mo bokgobeng go fitlhelela re akanya gore go thari go dira jalo. A o gakologelwa Lasaro. O ne a lwala, mme Morena Jesu a tsaya nako ya gagwe go fitlhelela a a swa pele a sa thusa ba lapa la gagwe.

Mareta o ne a bolelela Morena Jesu gore go thari mme Morena Jesu o ne a itse se a se dirang sentlentle, one a busetsa Lasaro mo botshelong ka tsela e kgethegileng, ee maatla a Modimo. Modimo ga a dire ka lenaneo la rona, mme ga a nke a nna thari. Ga o na le matshwenyego mo botshelong jwa gago, nna le tebelopele mo Modimong mme a tumelo ya gago e tla nonotshiwa. Se letle letshogo le tlhakatlhakano go go utswela lerato la Modimo mo go wena.

Johane wa ntlha kgaolo ya bone temana ya lesome le bofera bobedi, temana e e nang le maatla: (1 Johane 4:18) “Lerato le le feletseng lwa nnete ga lena letshogo.” “Ke tlhatlhantse thata ka temana e ke leka go rarabolola mme yare tsatsi lengwe ka e tlhologany lerato le le feletseng la nnete ga le na letshogo, lorato lo lwa nnete ke ene Modimo ka sebele. Ga o itse boammaruri jwa

lerato le le mo go wena, ga o kitla o letla poifo go go laola. Le fa o ka nna ka letshogo nako tse dingwe o tla tswelela go ya pele le Modimo ka gonne o itse fa a na le wena ka nako tsotlhe.”

“Ga o itse gore Modimo o a go rata ga o kake wa tshaba go sa atlege. O gololesegile go ka leka dilo dingwe ka gonne o itse fa lerato la Modimo le go go amogela ga gagwe go sa lekanngwe le ditoro tsa gago. Ga o kake wa palelwa fa o ikantse mo Modimong. Tsela e nngwe fela ya go palelwa. O palelwafa o ikaegile kana o inkantse wena ka sebele. Dilo di ka ntsha maduo a o neng o a eleditse, mme di ka dira jalo le go feta fa o beile tsotlhe mo Modimong. Fa o itse gore Modimo o a go rata ga o kitla o tshaba go nna mo seeming sa letlhoko, metlha e e fetileng, metlha e e tlang kana leng fela.”

“Lerato la Modimo ke le legolo le le akaretsang tsotlhe. A o akanya gore ene Modimo yo o go golotseng a go boloka ke ene yo o ka go dirang gore a utlwale jaaka yo o paletsweng? A o ka go tlogela o sena thuso. Satane ke mmaba wa mewa ya rona. Ke legodu le moaki mme Morena Jesu o batla o ka nna le botshelo jo bo atlegileng le gore o bo itumelele.” (John 10:10). “Mo baebeleng Johane wa ntlha kgaolo ya bo nne temana ya bofera bobedi (1 Johane 4:8) e balega jaana.” “Ga gona poifo mo loratong (letshogo ga leyo), mme le le godileng (le tletse, le feletse) le ntshetsa poifo kwa ntle ga dipati mme le kobe poifo. Poifo e tsisa kotlhao, mme ene yo o tshogileng ga a kitla a gola mo loratong (ga a gole mo loratong lo lo tletseng la nnete).”

E rile morago fela fa Modimo a sena go thusa go tlhalosa gore lerato la gagwe le kobela poifo kwa ntle, le ka tsenya kitso e mo tirisong. Re ile ra nna le go ka tshwenngwa ke koloi. Re ne ra akanya gore tsamaiso ya yone e a fela, re sena madi a go ka reka e ntsha. Re ne ra tswelela ka go kgweetsa, ka tsholofelo ya gore e tla phatlogana e felelele.

Ke ne ka utlwa Modimo a nkgothatsa mo pelong moso mongwe ka mafhoko a a reng “Joyce, a ko o tseye letsatsi le o nthate o bo o ntletle gore le nna ke go rate. Se dire sepe gape. Se leke go nna mosadi wa tumelo e kgolo. Se ke batlang o se dira ke go nna mo loratong lwa me.”

Ka jalo ke ne ka opela ka tlhamela Modimo wa me dipina, ka nna le nako e e monate fela thata. Ka one motsotso o ka utlwa monna wame a le mo ntlolong ya dikoloi (garage) metsotso e ka nna masome a mane le botlhamo a sena go ya tirong. A bula lebati a nthaya a re “Ga ke kgone go ka ntsha koloi mo keareng ya ntlha. Re tshwanelwa ke goe isa gore e baakanngwe.”

Ke ne ka tswala lebati ka simolola go tshega. Selo se, ke ne ke ka se se dire fela jalo, e bile ke ne ke sa akanya go ka se dira ka nako eo! Go itletse fela ka gonne ke ne ke letile Modimo go nthata. Ke nnile le go tshega mo gare ga maemo a a bokete. Go ikhutsa mo leratong la Modimo go bula dikgoro tsa tumelo go tswela kwa ntle, eseng tsa poifo. Ke ile ka simolola go tshega, seo ke tumelo. Ke tshegile kwa boteng jwa me ke itse fa Modimo a re rata ebile a tlaa re fa se re se tlhokang. Aborahame o tshegile sone setshego sa tumelo. Fa Modimo o tla kwa go ene a mmolelela gore o tla nna le ngwana wa Mosimane, Aborahame o ne a tshega! Ka gore o ne a itse gore ga gona tsela epe, ka setho/senama, e e ka yone ene le Sarai ba ka kgonang go nna le ngwana, mme a dumela Modimo le fa go le jalo, boitumelo jwa gagwe jone jwa fetoga go nna setshego.

Ke dumela gore ga re dira jalo re bula dikgoro gore Modimo a re thuse ka ditsela tsa gagwe tse di gakgamatsang. Ke mang yo o ka akanyang go ka tshega fa a le fa gare ga mathata. Baebele yare Modimo o nna kwa magodimong mme o tshega baba ba gagwe (Pesalema 2:2-4). Fa Modimo a ka dira se, le rona re ka dira. Tshega setshego sa tumelo, tswelela fela jalo. Tse tsotlhe di

diragetse, Modimo o a go rata. Fa Modimo a le ntlheng ya gago, ke mang fela yo o ka nnang kgatlhanong le wena?

6



LERATO LE A FITLHELELA MO GO BA BANGWE

“Ke molao kana (taolo), Mme taolo e re e tshotse mo go ene, gore yo o ratang Modimo, a a rate le mogagabo.”

-1 JOHANE 4:21

O ngwana wa Modimo yo o kgethegileng, O bua jalo mo go Diteronomi wa bosupa temana ya borataro (Diteronomi 7:6). Ga o itse ka mo gotlhe, gore o kgethegile mo go ene, o tla tshela ka Boitumelo le go itshepa mo go tsiwang ke seo. Ka jalo, se e ka nna bokao mo lefatsheng mo tikologong ya gago ka ditsela tse di molemo. O tla tsena mo marekisetong ka monyenyo mo sefatlhegong, o akanya ka mo o ratwang ka teng: Tsotlhe ke tse di ntshiametseng mo botshelong jwa me. Ke ka segofatsa ba bangwe ka lorato le ke le amogelang go tswa mo Modimong. O tla nna o itumetse gongwe le gongwe ko o yang teng, mme boitumelo jwa gago bo tla nna tshhegofatso mo go ba bangwe.

Pesalema ya lekgolo temana ya bobedi e a re, re tshwanelwa ke go direla Modimo ka boitumelo.

Fa re simolola go ka itse gore re bothokwa, re kgethegile go le kae mo lenaneong lotlhe la Modimo le gore boitshoko jwa rona bo ikaegile ka tshenolo, re ka arogana Keresete mme ra bontsha lerato la gagwe ka ditsela tse di ka gogelang bontsi kwa go enelerato la Modimo le le elang mo go wena le tla go dira gore o nne le

boitemogelo ka maikutlo le dikeletso kana ditlhoko tsa ba bangwe mme o nne le bopelotlhomogi mo go bone. Lerato la gagwe le le boteng le tla go golola mo poifong mme o tla nna le go neelana ka lerato. Ga o ka ke wa tshaba go ka kgethololwa kana go ka dirisa lerato la Modimo le le mo go wena le tlhomamisa gore ditlhokego tsa ba bangwe le gone go di diragatsa.

Modimo o eletsa o ka dumela fela fa a re o tla dira tse dikgolo ka wena, ka gonne Morena Jesu Kereseteo o tshela mo go wena. Mo tshepe o bo o dumele ga a tlhoka go go dirisa go rata le go thusa ba bangwe. Gakologelwa fa lorato lwa Modimo le le phepha le kobela poifo kwa ntle, ka jalo se letle poifo go go busetsa morago, mme o gatele pele ka tumelo.

Go le gantsi ke iphitlhela ke le mo maemong a tumelo ya me ee reng e nonotshiwa ka diteko, ke tshwanelwa ke go dira sengwe se se tshosang mme e nne Modimo o bue le nna ka gore, “tlaa Joyce, tlaa. Ke ka dira ditiro tse dikgolo tse di gakgamatsang ka wena. Tlaa.” Go le gantsi ga ke tsere tumelo ya me jaaka thebe, ke ikantse yone fela, Modimo ga a ise a ntlhe.

A o a itse gore ke eng ke sena matshwenyego go ka letla Modimo go ka ntirisa ke sena poifo ya go ka palelwa. Ke ka gonne ke a itse fa Modimo a nthata. O a nthata, e bile o a itse gore ke a mo rata, ka jalo ga go ape mathata kana kgwetlho epe e ka se e kgoneng fa Morena Jesu Keresete e le boikanyo jwa me.

Fa keletso ya gago ya boammaruri e le go ka thusa ba bangwe, Modimo fela jalo o tla go thusa gore o ba thuse. Ga o tlhoke go nna le bokgoni bope, ke go ka nna (o letile) teng go ka direla Modimo, mme ene o tla dira tsotlhe, o ka tsaya gore neo ya gago e motlhofo kana ga ena boleng jo bo kalo, mme ke tse ditshwanang le tseo tse di nang le maatla.

Se tshele botshelo jwa gago ka bofafaalele o dirisa maatla, ka go itebelela o le nosi go bona gore ditlhokego tsa gago tsotlhe di a kgonagala. Bolelela Modimo tse o di batlang le tse o di tlhokang mme o tlogele tsotlhe mo go ene gore o tle o nne le tlhotlheletso ya go ka itemogela tsela tse di kgethegileng tse moya o o boitshepo o go kaelang ka tsone go ka neela le go segofatsa ba bangwe.

Se o se direlang yo mongwe, Modimo o tla se go direla. Fa o na le letlhoko, nna “peo” e seng letlhoko. Se se raya gore jaaka fa o neela mo go ba bangwe, Modimo o amogela se e le peo e e ka lemiwang go ka bona thobo e o e eletsang mo botshelong jwa gago.

Mongwe le mongwe o eletsa go atlega mme re tshwanelwa ke go tlhaloganya gore katlego ya nnete ke eng. Ke rata thata go tlhalosa se jaaka bokgoni jo Modimo O bo dirisang go ka atlisa ditlhokego tse di tlang fa pele ga gago. Lerato la Modimo le go fa bokgoni jwa go ka baya ditlhokego tsa ba bangwe kwa pele ga tsa gago. A o akanya fa Modimo a ka go rata go le kalo go ka go dira gore o neelane / abelane ka lorato? le mo go bone baba go fang kgwetlho go ka diragatsa se, ba ba senang ditebogo ba ba nna ka go ngongorega kana ba sena lerato.

Go tsaya maikemisetso go rata yo mongwe yo o go ratang le ene, le fa go le jalo re tlhoka tlhokomelo ya Modimo go ka re kgontsha go ka rata bao ba ba senang lerato. Lerato la Modimo le le fologelang mo go rona le ka dira jalo ka gonne ga le a ikaega ka maemo mangwe. Re neelwa kwa ntle ga tuelo, mme le jaanong re tla a neela kwa ntle gatuelo. Lerato ga le ke le palelwa kana le tlhoboga ope. Go ka tsaya ngwaga, kana tse tlhano le fa e le tse di masome a mabedi le botlhano, mme go mosola. Fa o itemogela bothata go ka nna le bopelotelele le go nna le lerato mo mongweng yo go leng thata go mo rata, gakologelwa makgetho a mantsi a Modimo o tseletseng ka go go rata a santse a go letile gore o mo letlelele go go fetola.

Bakorinta wa ntlha kgaolo ya lesome le boraro (Bakorinta 13) e re bolelela ka lerato le le pelotelele, le le siameng le le boikobo. Ga le ipatle le le nosi, ga le galefe motlhofo. Tse ke dintlha tsa botlhokwa tse Morena Jesu a di tshololelang mo go rona ka lorato lwa gagwe. Simolola ka go nna botsalano le ba bangwe. A e nne tiro ya gago go tsalana le go nna tshegofatso mo go ba bangwe gongwe le gongwe kwa o yang teng.

Botsalano ke tsela nngwe ya go supa lerato, segolo jang mo mongweng yo o mo bodutung kana a itlhobogile. Ba laletse dijo tsa maitseboa, ba go etele. Ba tshware ka mabogo fa o ba dumedisa. Tshega le go itumedisa yo koloi ya gagwe e ka neng e le kwa bo baakanyong. Amogela ka lorato mmereki ka wena yo o moshana mme o ba thuse fa o ka kgona go ba bontsha lefelo le o nang mo go lone. Modimo o nna ka nako tsotlhe a na le se o ka se dirang kana a se go direla. E ka nna sengwe se se seng se tona kana botlhokwa mo go wena, mme mo go Ene se le botlhokwa thata. Batho ba ba botlhokwa mo Modimong. Go na le batho ba wena fela o ka amang matshelo a bone. Kopa Modimo go go kaela ditsela tsa go neelana ka lorato kwa gagwe, mme o tla go ruta seo.

7



LERATO LA MODIMO LE TLAA GO FETOLA

“Loratong lo mo: e seng gore re ratile Modimo, fa ese gore, o ratile rona, mme wa roma Morwaone go tla a nna seletlanyo se se ntsheditsweng dibe tsa rona.”

- 1 JOHANE 4:10

Modimo o a re rata, mme ga ke akanye gore bontsi jwa rona bo a tle bo akanye ka bogolo jwa lerato lo le gore Modimo o re rata go le kae. Modimo o itshupeeditse fa ke ntse ke ithuta ka setlhogo se se fa godimo gore ga re ne re itse mo botennyeng jwa rona, ka mo a re ratang ka teng, re ne re ka tshela ka pharologanyo go gaisa jaaka re tshela nako e ntsi.

Tlhatlhanya mo loratong lwa Modimo mo go wena. Se se tla go fetola. Fa gona le sengwe ka ga wena se o sa se rateng, go se itse go tla dira gore o itse o dumele fa Modimo a go rata fa o santse o mo letile go bereka mo go wena go go thusa go ka itumelela loeto lwa botshelo. Fa o nna o galefile ka diphoso tsa gago, ga o kitla o fetoga. Gakologelwa gore Modimo o bereka ka tumelo mme e bile tumelo ya boammaruri e dira gore re nne le boikhutso mo modimong (Bahebera 4).

Go le gantsi, bontsi jwa rona ga rena botsalano jo bo molemo le borona. Ga re ithate, re itlhoile. Ga o lwantshana le maikutlo a gago, ke ka go gakolola gore o ka tlhoa tse di maswe tse o

di dirang, e se go itlhoa ka nosi. Morena Jesu o ne a re swela ka ntlha ya lerato le legolo le a nang le lone mo go rona, mme e bile o batla re ka amogela mpho e ya botlhokwa Baebele ya re, jaaka fa a akanya mo pelong ya gagwe, o ntse fela jalo (Diane 23:7). Ga o ikakanyetsa bosula ka nako tsotlhe o sa ithate ebile o sa lemoge gore o botlhokwa go le kae, o ka seka wa nna le kagiso le boitumelo jwa Modimo, mme maitsholo le ditiro tsa gago di tla supa se. Tse tsotlhe ke ka ntlha ya o ise o tsenye mo pelong ya gago boammaruri jo bo maatla jo bo fetolang botshelo jwa gago jwa gore Modimo o go rata go feta jaaka o itse.

Modimo o batla go ka nna le wena ka nako tsotlhe tsatsi le letsatsi. Seo ke sone se ka go fetolang. Ga o sa beye Modimo kwa pele mo botshelong jwa gago, o mmaya kwa a ka se kgonneng go ka go direla tse o di batlang. Ke nako e e faphegile e o nnang le Modimo o mo rata, o mo letleletse go go rata, e e ka dirang gore o nne le maatla, o itshepe le go gola.

Re le bantsi re baya mabaka re sena le nako ya go ka aga botsalano jwa motia le Modimo. Re batla fela botsalano jo bo senang boleng, re sa ithotloetse le go godisa go ka ithuta go rapela le lefoko la Modimo. Ga o na le bothata ka se, rapela, o kope Modimo go thusa go ka ikaega wa ithuta go nna le Modimo ka nako tsotlhe. Se ke se segolo se re ka se itirelang. Lerato la Modimo le tla go fetola. Jaaka fa o itemogela lorato lwa gagwe mo go wena mme e bile o le bona le go amanya le lone ka nako tsotlhe, o tla itemogela phetogo mo dikeletsong tsa gago. O tla batla go ka tshwana le Morena Jesu ene yo o go ratang. Go itse le go aga bo modimo mo matshelelong a rona go tshwanelwa ke go nna maikaelele a rona a ntlha. (2) Paulose o rile o ikaelela go re kgothatsa gore re tseye ka tlhoafalo botsalano jwa rona le Modimo. (1) Lemoga fa Paulose a re o ikaeletse go itse Morena Jesu Keresete le maatla a kgololesego e e a re e tsiseditseng.

O ka nna gaufi le Morena jaaka fa o batla go nna, go tlhokega fela nako e o ka e tsenyang mo go direng se.

Baebele ya re re baemedi ba Modimo ka jalo o ntshitse kopo mo lefatsheng ka rona. Bakorinta wa ntlha kgaolo ya botlhanano temana ya masome a mabedi (1 Bakorinta 5:20). Temana e ka nako tsotlhe e tsosolosa pelo ya me mme e dire gore ke nne le itemogelo e ntshwa ka mo go le botlhokwa gore ke latele thotloetso ya moya wa Modimo jaaka fa o bereka mo go rona go re thatafatsa, a re fetola mme a re baakanyetsa go ka dira thato ya gagwe. O tshololela lerato lwa gagwe mo dipelong tsa rona ka moya o o boitshepo (Baroma 5:5).

O amogele, o itumelele mme o o letle go go fetola.

ITEMOGELE BOTSHELO JO BOSHA



Fa o ise o laletse Jesu Keresete go nna Morena le Mogolodi wa gago, ke go kopa go dira jalo jaanong. Rapela thapelo e ka pelo e e bulegileng e e itshephileng o simolole go itemogela botshelo jo bosha mo go Keresete jo Modimo a go bo tsholetseng.

Modimo Rara, ke dumela fa Morena Jesu Keresete e le Morwao, Mogolodi wa lefatshe. O swetse mo sefapanong/mokgorong, a ntshwela mme a rwala dibe tsame. O ile a tsosiwa mo baswing mme ka jalo a fenya mmaba loso le lebitla. Ke dumela fa Morena Jesu a tshela mo bojaanong a ntse fa atleng sa gago sa moja. Ke a go tlhoka Morena Jesu.

O intshwarele dibe tsa me, mpoloke, tla o tshela mo go nna, ke batla go tsalwa sesha. Ke batla go go tshelela. Ke lebogela go bo o mpolokile le go nthusa go tshela botshelo jo bosha ka wena.

Jaanong dumela fa Morena Jesu a tshela mo pelong ya gago. Dumela fa o itshwaretse, o ntshafaditse ka madi a Morena Jesu – le gore o tla a ya legodimong ka nako nngwe.

Ipatlele Kereke e o ka e etelang kwa ba ratang lefoko la Modimo teng, kwa o ka kgonang go godisa botsalano jwa gago le Keresete. Re fetoga ka ntsha ya maatla a lerato la Modimo le lefoko la gagwe fa di bereka mo matshelong a rona. Go botlhokwa go ka itse ka ga lefoko la gagwe le boammaruri jwa lone. Johane kgaolo ya borobabobedi (Johane 8:31-32) temana ya masome a mararo le bongwe go ya go ya masome a mararo le bobedi ya re: “Ga o tshela le go nna ka lefoko la me, o morutwana wa me ka nnete. O tla itse boammaruri e bile boammaruri bo tla go golola” ke go gakolola go

tshwara ka tlhoafalo lefoko la Modimo, le jale mo botengnyeng jwa pelo ya gago. Bakorinta wa bobedi kgaolo ya boraro temana ya lesome le borobabobedi o tthalosa gore (2 Bakorinta 3:18) jaaka fa o lebelela lefoko jalo o tla fetogela mo setshwanong sa ga Morena Jesu Keresete.

Nkwalela o nkitsise fa o amogetse Morena Jesu, o kope buka ya mahala e e tthalosang gore o ka simolola go tshela jang sesha mo go Keresete.

Ka lorato,

Joyce

KA GA MOKWADI



JOYCE MEYER ke mongwe wa ba ba eteletseng pele batlhatlheledi ba Baebela. Ke mokwadi wa mmakgonthe/tlhwatlhwa wa dibuka tsa gagwe di thusitseng di dikadike tsa batho go bona tsholofelo le go tsalwa sesha mo go Morena Jesu Keresete, ka tiro ya gagwe ya Joyce Meyer Ministries, o ruta dithuto ka ditlhogo tse di itebagantseng le tlhaloganyo, molemo le maitsholo. Tsela ya gagwe ya puisanyo e e kgethegileng e mo letla go ka abelana ka phuthologo maitemogelo a gagwe gore ba bangwe ba kgone go a dirisa mo matshelong a bone. O kwadile dibuka tse di ka tshwarang lekgolo, (100) tse di setseng di ranoletswe mo ditemeng tse di fetang lekgolo (100). O tshwara diphuthego tsa mo gae le tsa mafatshe a a kwa ntle ngwaga le ngwaga, a ruta batho go ka itumelela matshelo a bone ale tsatsi le letsatsi. Mo dingwageng tse masome a mararo (30) bokopano jwa gagwe jwa bomme bo ngokile dikete tse di makgolo mabedi tsa bomme (200,000) lefatshe ka bophara. Phisego ya ga Joyce ke go thusa bao ba hutsafetseng go ka bona motheo wa tebelelopele ya (Hand of Hope), bontlha bongwe ja Joyce Meyer Ministries, jo bo thusang dithuso tsa bopelotlhomogi mo lefatsheng go balelwa le kwa ga bone kwa St. Louis.



Itemogele lerato la Modimo le le senang kgethollo:

O ka ikgapela dithata tsotlhe le lerato la Modimo gompiano. Modimo o go rata jaaka e kare ke wena o le nosi mo lefatsheng. Mathata ke gore, jaaka batho ba bantsi, o ka tswa o sa tlhologanye se. Le fa o katswa o itse ka lerato la Modimo, o ka tswa o sa le utlwe mo pelong ya gago. Jaanong o ka kgona. Molaetsa o o nonofileng o o mo lokwalong le le kgothatsang o tla go kaela gore:

- O lemoge lerato la Modimo mo go wena
- O emise jang go ipotsa fa o siametse Modimo
- O lemoge jang tshenolo e e gaggamatsang ya lerato la Modimo
- O lemoge jang bo leng teng jwa Modimo mo diemong tse di botlhoko
- lerato la Modimo le ka go fetola jang go ya go ileng

Joyce Meyer o abellana le wena ditiragalo tsa botshelo jwa gagwe. O le tlisetsa lekwalo le mafoko a botlhale a a bulang dikgoro tsa lerato la Modimo. A lesedi la lerato le, le phatsime mo go lona ka bongwe ka bongwe.



JOYCE MEYER
MINISTRIES®